

**PEMBERITAHUAN PERTANYAAN BAGI JAWAPAN BUKAN LISAN**

**MESYUARAT PERTAMA, DEWAN RAKYAT**

**PENGGAL KEENAM, PARLIMEN KETIGA BELAS**

**MAJLIS MESYUARAT DEWAN RAKYAT**

**PERTANYAAN : JAWAB BUKAN LISAN**

**DARIPADA : TAN SRI DATUK SERI PANGLIMA HAJI**

**ANNUAR BIN MUSA [KETEREH]**

**TARIKH : 5 MAC 2018 (ISNIN)**

**SOALAN :**

**Tan Sri Datuk Seri Panglima Haji Annuar Bin Musa [Ketereh] minta**  
**MENTERI PEMBANGUNAN WANITA, KELUARGA DAN**  
**MASYARAKAT** menyatakan kejayaan program pembangunan ekonomi  
ibu tunggal khususnya di negeri Kelantan dalam memastikan kebajikan  
dan taraf ekonomi golongan ini terus dipertingkatkan dan apakah usaha bagi  
mendidik golongan usahawan ibu tunggal di negeri Kelantan ke arah e-  
usahawan.

**JAWAPAN: YB DATO' SRI ROHANI ABDUL KARIM, MENTERI**  
**PEMBANGUNAN WANITA, KELUARGA DAN**  
**MASYARAKAT**

Tuan Yang Dipertua,

Kementerian Pembangunan Wanita, Keluarga dan Masyarakat (KPWKM) melalui Jabatan Pembangunan Wanita (JPW) juga telah membantu golongan wanita serta ibu tunggal dalam memastikan kesejahteraan hidup kumpulan ibu tunggal dan tanggungannya terjamin termasuklah menitikberatkan aspek keterlibatan golongan wanita dalam bidang keusahawanan.

Sehubungan itu, tahun 2018 juga diisytiharkan sebagai Tahun Memperkasakan Wanita bagi mengurangkan kemiskinan serta meningkatkan kesejahteraan keluarga. Pelbagai program dan usaha akan ditambahbaik untuk membangunkan dan memperkasakan wanita khususnya suri rumah, ibu tunggal dan wanita secara amnya yang layak di bawah kategori kumpulan berpendapatan terendah (B40).

KPWKM melalui JPW telah merangka pelbagai bantuan berbentuk program pembangunan kapasiti untuk pembangunan wanita di negara ini

146

dengan menyediakan peluang untuk meningkatkan penglibatan diri dalam bidang keusahawanan melalui program **Inkubator Ibu Tunggal (I-KIT)** dan **Inkubator Keusahawanan Wanita (I-KeuNita)** atau kini dikenali dengan nama *Development of Women Entrepreneurs Initiative (DeWI)*.

Melalui Program I-KIT yang diperkenalkan sejak tahun 2008 sehingga Disember 2016, seramai 5,294 ibu tunggal telah menyertai program ini, dan daripada jumlah tersebut seramai 2,359 iaitu 44.6% orang ibu tunggal telah berjaya menjadi usahawan. Bagi program I-KeuNita, seramai 8,510 wanita telah menyertai program ini sejak ia diperkenalkan pada tahun 2010 sehingga Disember 2016. Daripada jumlah tersebut, seramai 1,446 atau 17% orang wanita telah berjaya menjadi usahawan.

Manakala bagi program DeWI pula, sehingga Disember 2017, bilangan program bagi pelaksanaan program DeWI pula adalah sebanyak 59 program dan jumlah peserta telah meningkat dari tahun 2016 hingga ke Disember 2017 adalah seramai 1,235 orang peserta manakala 130 orang daripadanya berjaya meningkatkan 50% pendapatan daripada pendapatan asal.

Di samping itu, pelbagai bantuan telah diterima oleh golongan ibu tunggal di Negeri Kelantan untuk meningkatkan ekonomi mereka. Jumlah keseluruhan bantuan yang telah disalurkan kepada golongan ibu tunggal di Negeri Kelantan adalah melibatkan **45,451** orang dari tahun 2008 hingga 2018.

Di bawah Bidang Keberhasilan Utama Negara (NKRA): Meningkatkan Taraf Hidup Isi Rumah Berpendapatan Rendah (LIH), Kementerian melaksanakan Program 1AZAM bagi meningkatkan taraf hidup rakyat yang berpendapatan rendah terutamanya golongan B40 termasuk ibu tunggal yang layak melalui aktiviti perniagaan secara kecil-kecilan. Daripada jumlah tersebut sejumlah **5,926** penerima iaitu kira-kira **13.03%** merupakan ibu tunggal yang menerima bantuan di bawah Program 1Azam, dan juga sejumlah **19,659** golongan ibu tunggal di Negeri Kelantan telah mendapat bantuan daripada Jabatan Kebajikan Masyarakat.

Ibu tunggal yang menerima bantuan melalui skim **Amanah Ikhtiar Malaysia di Negeri Kelantan** adalah sejumlah **691** orang dari tahun 2008 sehingga Februari 2018. Sejumlah **410** orang penerima ibu tunggal telah mendapatkan bantuan daripada **Program Peningkatan Pendapatan** di bawah **agensi MARA** dari tahun 2008 sehingga Februari 2018.

KPWKM juga telah memperkenalkan Peruntukan Bantuan Khas Perbendaharaan (PBKP) yang diberikan kepada Pertubuhan Bukan Kerajaan (NGO) bagi melaksanakan program-program KPWKM yang berteraskan pembangunan wanita, keluarga dan masyarakat terutamanya di peringkat akar umbi.

Pengoperasian peruntukan ini dikendalikan oleh Jabatan dan Agensi di bawah KPWKM yang bertanggungjawab terhadap kebajikan kumpulan sasar masing-masing. Pada tahun 2015 hingga 2017 sebanyak **tiga (3)** Pertubuhan Bukan Kerajaan dari **Negeri Kelantan** telah bekerjasama dengan JPW dalam pelaksanaan program peningkatan kapasiti wanita yang memberi pengetahuan ke arah e-usahawan dan menerima peruntukan sejumlah **RM31,042.00**

Pelbagai agensi Kerajaan lain juga memberi pendedahan kepada golongan ibu tunggal untuk mempertingkatkan kemahiran ke arah e-usahawan. SME Corp mempunyai Program Peningkatan Enterpris Bumiputera (BEEP) yang mengajar cara-cara membina kapasiti dan keupayaan berniaga yang terdiri daripada latihan pembungkusan, pelabelan dan juga promosi dan penjenamaan produk.

JPW bersama-sama Suruhanjaya Komunikasi dan Multimedia Malaysia (SKMM) juga menjalankan program Perniagaan Dari Rumah di mana program ini menyediakan latihan kemahiran yang bersesuaian bagi penjana ekonomi keluarga melalui perniagaan dari rumah.

Melalui Malaysian Digital Economy Corporation (MDEC) juga, program eUsahawan Mikro memfokuskan kepada usahawan industri kecil dan sederhana di mana, yang mempunyai inisiatif dalam membantu rakyat menjana pendapatan tambahan melalui perusahaan digital. Program ini mengajar peserta mempelajari teknik keusahawanan digital sebagai saluran pemasaran efektif melalui platform media sosial